
Iran and South Caucasus

Maia Manchkhavili

Ivane Javakhishvili Tbilisi State University
Georgia
maia.manchkhavili@tsu.ge

Abstract

The Islamic Republic of Iran has big plans in the South Caucasus. This region is noteworthy and important in terms of its relevance to Iran's security. The US lists Iran so-called „axis of evil“ and enactment of sanctions have done it a great deal both materially and strategically. Iran has long been on the cusp of action. However, even under these conditions he is one of the influential and accountable players in the Middle East political arena.

Iran began relations with the republics of the South Caucasus from the very first days of the collapse of the Soviet Union and was one of the first to recognize the independence of these countries. Since the Soviet Union had very tightly controlled relations during the Soviet Union, after the collapse of the Soviet Union, Iran had to start with a clean sheet of relations with the South Caucasus republics in the 1990s and define areas of cooperation.

Keywords: Iran; Caucasus.

ირანი და სამხრეთ კავკასია

მაია მანჩხაშვილი

თბილისის ივ. ჯავახიშვილის სახელობის
სახელმწიფო უნივერსიტეტი
საქართველო
maia.manckhashvili@tsu.ge

აბსტრაქტი

სამხრეთ კავკასიაში ირანის ისლამურ რესპუბლიკას თავისი გეგმები გააჩნია. აღნიშნული რეგიონი საყურადღებო და მნიშვნელოვანია იმ თვალსაზრისითაც, რომ კონკრეტულად მის უსაფრთხოების საკითხებთანაა დაკავშირებული.

აშშ-ის მიერ ირანის ე.წ. „ბოროტების ღერძის“ სახელმწიფოთა სიაში შეტანამ და სანქციების ამოქმედებამ, დიდი ზარალი მიაყენა მას.

საკვანძო სიტყვები: ირანი; სამხრეთ კავკასია; ბოროტების ღერძი.

მსჯელობა

ირანის ისლამურ რესპუბლიკას სამხრეთ კავკასიაში დიდი გეგმები გააჩნია. ეს რეგიონი მისთვის საყურადღებო და მნიშვნელოვანია იმ თვალსაზრისით, რომ ირანის უსაფრთხოების საკითხებთანაა კავშირში. აშშ-ის მიერ ირანის ე.წ. „ბოროტების ღერძის“ სახელმწიფოთა სიაში შეტანამ და სანქციების ამოქმედებამ, დიდი ზარალი მიაყენა მას, როგორც მატერიალური თვალსაზრისით, ასევე, სტრატეგიულადაც. ირანს უკვე დიდი ხანია ხელ-ფეხი აქვს შეკრული მოქმედებისათვის. არადა, ამ პირობებშიც კი იგი ერთ-ერთი გავლენიანი და ანგარიშგასაწევი მოთამაშეა ახლო აღმოსავლეთის პოლიტიკურ არენაზე.

სამხრეთ კავკასიის რესპუბლიკებთან ირანმა საბჭოთა კავშირის დაშლის პირველივე დღეებიდან დაიწყო ურთიერთობა და ერთ-ერთი პირველი იყო, რომელმაც ამ ქვეყნების დამოუკიდებლობა აღიარა. ვინაიდან საბჭოთა კავშირის პერიოდში ძალზედ ლიმიტირებული და მკაცრად კონტროლირებადი ურთიერთობები არსებობდა, საბჭოთა კავშირის დაშლის შემდეგ, 1990-იანი წლებიდან ირანს სუფთა ფურცლიდან მოუწია ურთიერთობების დაწყება სამხრეთ კავკასიის რესპუბლიკებთან და თანამშრომლობის სფეროების განსაზღვრა.

სამხრეთ კავკასიის სახელმწიფოებიდან ირანს გაცილებით მეტი ურთიერთობა სომხეთის რესპუბლიკასთან აქვს, როგორც სავაჭრო-ეკონომიკური (ნაღდი ფულით ვაჭრობა, ვინაიდან საბანკო გადარიცხვები შეზღუდულია), სამეცნიერო, ასევე, ენერჯო რესურსების მოწოდების თვალსაზრისით: ბარტერის პირობებში ირანი დღემდე აწვდის გარკვეული მოცულობის გაზს სომხეთს. ეს კავშირები რუსეთი-სომხეთი-ირანის ღერძის ფარგლებში ვითარდება და ამ ქვეყნებს შორის

სტრატეგიული პარტნიორობითაა განპირობებული. „ირანი მნიშვნელოვანი ეკონომიკური საყრდენია სომხეთისათვის, რომელიც თურქეთის და აზერბაიჯანის ბლოკადის მსხვერპლია. ირანის ისლამური რესპუბლიკა მხარს უჭერს მის ქრისტიან მეზობელს პოლიტიკურად, რადგან გრძნობს, რომ მისი მრავალრიცხოვანი აზერბაიჯანული უმცირესობა აძლიერებს ბაქოსთვის თეირანის მოწყვლადობას“ (1).

აზერბაიჯანთან ირანის ურთიერთობები ძალიან ფრთხილი და მოზომილია ე.წ. „სამხრეთ აზერბაიჯანის“ გამო: ირანის ჩრდილოეთ რაიონებში დაახლოებით 20-25 მილიონი ეთნიკური აზერბაიჯანელი ცხოვრობს(2). ირანი ამ მოსახლეობაში სეპარატისტური ტენდენციების გაღვივებას უფრთხის. აზერბაიჯანთან მისი ურთიერთობები თურქეთის ფაქტორის გამოცაა შენელებული.

თურქეთისა და ირანის ინტერესები ძალიან ხშირად ურთიერთსაწინააღმდეგოა, როგორც ახლო აღმოსავლეთში, ასევე, სამხრეთ კავკასიაში. ეს ორი სახელმწიფო ისტორიულად დაპირისპირებული არიან და თითქმის ყოველთვის საწინააღმდეგო მხარეს იმყოფებიან. აზერბაიჯანისა და თურქეთის სტრატეგიული პარტნიორობა ირან-აზერბაიჯანის ურთიერთობებს გარკვეულწილად აფერხებს.

აზერბაიჯანისათვის თურქეთი სტრატეგიულ პარტნიორზე მეტს ნიშნავს, იგი თურქეთში ხედავს მოძმეს და მისაბამი სახელმწიფოებრივი მოდელის მქონე სახელმწიფოს.

თურქეთის პოზიციიდან ირანი მისი მეტოქე და კონკურენტია სამხრეთ კავკასიის რეგიონში, რის გამოც თურქეთი ხშირად თავს არიდებს ირანთან საერთო ფორმატებში თანამშრომლობას. თურქეთისათვის არასასიამოვნო ფაქტია ისიც, რომ არ გააჩნია იმ რაოდენობის ბუნებრივი რესურსები, გადაწონოს ან დააბალანსოს ირანის ისლამური რესპუბლიკის

შესაძლებლობები. ამიტომ, მხოლოდ ორმხრივი ურთიერთობების განვითარებით შემოიფარგლება ირანთან ურთიერთობებში. ეს ორმხრივი ურთიერთობები კი უნდა ითქვას, რომ ძალიან ინტენსიურია და მის გაღრმავებაზეა ორიენტირებული. თუ ორმხრივი სავაჭრო-ეკონომიკური ურთიერთობების სტატისტიკას ვნახავთ, ჩანს, რომ ირანი ნედლი ნავთობის ყველაზე დიდი მიმწოდებელია თურქეთისათვის უკვე ბოლო რამდენიმე წელია. ასევე, ბუნებრივი გაზის უმსხვილესი იმპორტიორია ამ ქვეყანაში, რუსეთსა და ერაყთან ერთად (3). ამიტომ, როცა აშშ-მა თურქეთს ირანთან სავაჭრო ურთიერთობების შეზღუდვებისაკენ მოუწოდა, თურქეთის მთავრობის ერთ-ერთმა მინისტრმა განაცხადა, რომ თურქეთი გააგრძელებს და გააღრმავებს ამ ურთიერთობებს ირანთან: „აშშ-ს გადაწყვეტილება ირანთან მიმართებაში სანქციების დაწესებაზე თურქეთისთვის შესაძლებლობას წარმოადგენს. ჩვენ განვაგრძობთ ირანთან ვაჭრობას გაერო-ს რეზოლუციების დაცვით“ - განაცხადა თურქეთის ეკონომიკის მინისტრმა ნიჰათ ზეიბექჩიმ (Nihat Ziebeck) (4).

თურქეთმა არათუ მხარი არ დაუჭირა აშშ-ს წინადადებას გაერო-ში ირანის წინააღმდეგ სანქციების შემოღებაზე, არამედ ბრაზილიასთან ერთად ირანის ბირთვული პროგრამის პრობლემის მოგვარების გეგმაც შეიმუშავა (5).

საქართველოსთან ირანის ურთიერთობები ძირითადად კულტურის, ვაჭრობისა და ეკონომიკის სფეროებით შემოიფარგლება. თუმცა, ამ სფეროებში ურთიერთობებიც ჯერ არაა განვითარებული სათანადო დონზე. სტატისტიკის მონაცემებს თუ ჩავხედავთ (ექსპორტ-იმპორტის მიხედვით), საქართველოს ყველაზე სუსტი და ნელი ტემპებით განვითარებადი სავაჭრო ურთიერთობები სწორედ ირანთან აქვს. ამ ფაქტს თავისი ახსნა აქვს და მიზეზებიდან მნიშვნელოვანი აშშ-ის

ფაქტორია, უფრო სწორად მისი პოლიტიკა ირანის წინააღმდეგ, რაც გავლენას ახდენს საქართველო-ირანის ურთიერთობების ჩამოყალიბებაზე. აშშ-ის ფაქტორის გამო საქართველოს თავის დროზე უვიზო რეჟიმის პირობების გადახედვაც კი მოუწია ცალმხრივად. საქართველოს უწევს გაითვალისწინოს მის სტრატეგიული პარტნიორის მოთხოვნები.

მაგრამ, უნდა ითქვას ისიც, რომ აშშ-ისა და დასავლეთის მიერ სანქციების დაწესების მიუხედავად, არაერთი ირანელი ცდილობს შემოვიდეს სამხრეთ კავკასიის ქვეყნებში, მათ შორის უმეტესად საქართველოში (6). ოფიციალური მონაცემებით, საქართველოში ირანული კაპიტალით უკვე 150 მცირე და საშუალო კომპანიაა დარეგისტრირებული და წარმატებით ახორციელებენ თავიანთსაქმიანობას (7).

როგორც აღვნიშნეთ, ირანის ისლამურ რესპუბლიკას სამხრეთ კავკასიის სახელმწიფოებთან ურთიერთობების განვითარებაში ძირითადად მაინც ხელს უშლის ის გეოპოლიტიკურ ვითარება და პოლიტიკურ კონიუნკტურა, რას მის ირგვლივაც შექმნილი. ვგულისხმობთ ბლოკადის პირობების შექმნას აშშ-ის მიერ ირანის მხრიდან ურანის გამდიდრების პროგრამის გამო. ასეთი შეზღუდული შესაძლებლობების ფარგლებში კი ძალიან ძნელია ნებისმიერი ურთიერთობების ნაყოფიერი განვითარება. ასეთ დროს ხდება პრიორიტეტების გამოკვეთა, აწყობს თუ არა ირანის გამო საქართველოს, ან აზერბაიჯანს ან სომხეთს გაიფუჭოს კავშირები მის სტრატეგიულ პარტნიორებთან. არადა, უდიდესი პოტენციალის მქონე ირანს უზარმაზარი ენერგორესურსების დება შეუძლია არა მხოლოდ სამხრეთ კავკასიის ქვეყნებისათვის. ენერგორესურსებზე დივერსიფიკაციის შესუსტებისათვის კი ეს უმნიშვნელოვანესია, მაგრამ, ჯერ-ჯერობით ეს პოტენციალი აუთვისებელია (სხვათა შორის, 2006 წელს რუსეთის მიერ საქართველოს

წინააღმდეგ მოწყობილი გაზის ბლოკადის დროს, სწორედ თეირანმა უზრუნველყო საქართველოს მოსახლეობა საჭირო გაზის მარაგით). აუთვისებელია ასევე წყლის რესურსების გაცვლის უდიდესი პროექტების რეალიზების შესაძლებლობებიც; ცნობილია, რომ ახლო აღმოსავლეთის ქვეყნების დიდი უმრავლესობა წყლის რესურსების დეფიციტს განიცდის. 1990-იანი წლებიდან დღემდე არაერთი შემოთავაზება გაკეთდა ირანის მხრიდან საქართველოს მთავრობისათვის წყლის რესურსების მიყიდვის თაობაზე. სანაცვლოდ კი ირანი საქართველოს გაზის მოწოდებას სთავაზობდა. ბოლოს მსგავსი წინადადებით 2015 წლის აგვისტოში ეწვია თბილისს უმაღლესი დონის დელეგაცია თეირანიდან (8).

სამხრეთ კავკასიის ქვეყნებთან ირანის ურთიერთობების დინამიკა რომ შევადგასოთ, იგი არ იძლევა იმის საშუალებას, რომ ვისაუბროთ ურთიერთობების თუნდაც საშუალო ეხე, რაც იმის მანიშნებელია, რომ ირანის კავკასიური პოლიტიკა ძალიან მოისუსტებს. ირანი ვერ ახერხებს თავისი ინტერესების რეალიზებას სამხრეთ კავკასიის რეგიონში.

2018 წლის 2 აპრილის გადაწყვეტილების შემდგომ, რაც ირანისათვის სანქციების ეტაპობრივად მოხსნას გულისხმობს, იგი სავარაუდოდ ეცდება გაააქტიუროს კავკასიური პოლიტიკა. ეს ვერ მოხდება სწრაფად და დაჩქარებული ტემპით, მაგრამ, თუ ასე გაგრძელდა უახლოესი წლების განმავლობაში, ვფიქრობთ, რომ დროთა განმავლობაში ირანი უკვე აქტიური პოლიტიკური გეგმებით შემოსვლას დაიწყებს სამხრეთ კავკასიის რეგიონის პოლიტიკურ სცენაზე. მაგალითად, სომხეთის ნაციონალური და საერთაშორისო კვლევების ცენტრის დირექტორი მანველ სარგსიანი აცხადებს, რომ „სანქციების დასრულებით მოხდება ირანის როლის გადაფასება, როგორც საერთაშორისო ურთიერთობების, ისე

რეგიონული უსაფრთხოების საკითხებში. რეგიონში მიმდინარეობს ახალი სტატუს-კვოს ფორმირების პროცესი. სანქციების მოხსნის შემდეგ, თეირანს შესაძლოა ერგოს ძლიერი რეგიონური მოთამაშის ან სულაც, პრობლემების მომგვარებლის როლი“ (9).

ირანის წინააღმდეგ სანქციების შეჩერებას დადებითად აფასებს არაერთი სხვა სომეხი ექსპერტი; მათი პროგნოზით, ეს ფაქტი სომხეთის ეკონომიკის ზრდას შეუწყობს ხელს, ვინაიდან ყარაბაღის კონფლიქტის გამო სომხეთი იზოლირებული აღმოჩნდა აზერბაიჯანისა და თურქეთის მიერ და შეზღუდული ქონდა სავაჭრო - ეკონომიკური ურთიერთობების განვითარების შესაძლებლობები. ამჯერად კი მას სამხრეთელ მეზობელთან ინტენსიური ურთიერთობების განვითარების შესაძლებლობა მიეცემა. ამ ტენდენციაზე ისაუბრა სომხეთის მეწარმეთა და მრეწველთა კავშირის თავმჯდომარე არსენ გაზარიანმაც და აღნიშნა, რომ: „სომხეთი მოწყვეტილი იყო ირანის პორტ ბანდარ-აბასს, სპარსეთის ყურეში, რადგან გადამზიდი კომპანიები უარს ამბობდნენ ირანულ პორტში ტვირთის ჩატანაზე. ამიტომ, სომხეთი სარგებლობდა ბათუმისა და ფოთის პორტებით. სანქციების მოხსნით კი სომხეთი ვარაუდობს საექსპორტო მარშრუტების დივერსიფიცირებას და ტვირთბრუნვის ადრინდელი მოცულობის დაბრუნებას“ (10).

დასკვნა

ამგვარად, თუ ირანის სამხრეთ კავკასიური პოლიტიკა გააქტიურებას დაიწყებს, მნელი იქნება პროგნოზების გაკეთება თუ რა სახეს მიიღებს ამ ქვეყნის ურთიერთობა თურქეთთან და რუსეთთან.

გამოყენებული ლიტერატურა:

1. BARÇIN, YİNANÇ. (2011). *Russian, Turkish Moves Increase Armenian Isolation*. <http://www.hurriyetdailynews.com/default.aspx?pageid=438&n=recent-russian-and-turkish-move-increase-armenian-isolation-2011-04-25;>
2. *Iranis Mosakhleobis 40% Etnik'urad Azerbaijanelia. (ირანის მოსახლეობის 40% ეთნიკურად აზერბაიჯანელია)*. <https://www.washingtoninstitute.org/policy-analysis/view/iranian-azeris-a-giant-minority;>
3. Nader, Habibi.(2012). *Turkey and Iran: Growing Economic Relations Despite Western Sanctions, Crown Center for Middle East Studies*. No 62, May, pp. 4-5.;
4. Turketis Ek'onimik'is Minist'ri – Ashsh-s Mier Dats'esebuli Sanksiebis Miukhedavad, Turketi Irantan Savach'ro Urtiertobebs Ganagrzdobs. (თურქეთის ეკონომიკის მინისტრი - აშშ-ს მიერ დაწესებული სანქციების მიუხედავად, თურქეთი ირანთან სავაჭრო ურთიერთობებს განაგრძობს). [http://new.ipn.ge/ka/article/492515-turketis-ekonomikis-ministriashsh-s-mier-dacesebuli-sankciebis-miuxedavad-turketi-irantan-savachro-urtiertobebs-ganagrzdobs.;](http://new.ipn.ge/ka/article/492515-turketis-ekonomikis-ministriashsh-s-mier-dacesebuli-sankciebis-miuxedavad-turketi-irantan-savachro-urtiertobebs-ganagrzdobs;)
5. oshua, Kucera. *Turkey: Is Ankara Moving Eastward?* [http://www.eurasianet.org/node/62201.;](http://www.eurasianet.org/node/62201;)
6. *Zogierti Iraelisatvis Sakartvelo Samotkhea. (ზოგიერთი ირანელისათვის საქართველო სამოთხეა)*. [https://www.kvirispalitra.ge/ras-weren-chvenze/16758-zogierthi-iranelistvis-saqarthvelo-samothkhea.html.;](https://www.kvirispalitra.ge/ras-weren-chvenze/16758-zogierthi-iranelistvis-saqarthvelo-samothkhea.html;)

7. *Sakartvelo –Irani: K'itxvebi Met'ia, Vidre P'asukhebi.* (საქართველო-ირანი: კითხვები მეტია, ვიდრე პასუხები). (ნაწილი 1), 08.06.2010). [https:// expertclub. ge/portal/cnid.;](https://expertclub.ge/portal/cnid;)
8. *Irani Kartul Ts'qals Navtobsa da Gazshi Gagvitslis?.* (ირანი ქართულ წყალს ნავთობსა და გაზში გაგვიცვლის?). [https://bpn.ge/ekonomika/14422-irani-qarthul-tsyals-navthobsa-da-gazshi-gagvicvlis.html ?lang=ka-GE.;](https://bpn.ge/ekonomika/14422-irani-qarthul-tsyals-navthobsa-da-gazshi-gagvicvlis.html?lang=ka-GE.;)
9. Arshaluis, Mghdesyan. (2018). *Armenia Could Reap Rewards From Iran Agreement.* <https://iwpr.net/global-voices/armenia-could-reap-rewards-from-iran-agreement.>